

idcirco ex eorum testimoniis sane quam multis, haec pauca visum est proponere notanda.

CALVINUS.

Adoratio Dei propria, de tota Christi persona praedicatur, quatenus est Deus manifestatus in carne. Neque enim aut secundum humanitatem solam, aut secundum solam divinitatem humiliavit seipsum, ita rursus Filium suum Deus in eadem carne evexit ad summum honoris gradum, etc. in *Phil. cap. 2. vers. 10.*

Christus morte et resurrectione sua promeritus est, ut tam in morte quam in vita, gloriae nominis sui serviamus.

Nec Deitatis singulare, nec humanitatis fuit, sed utriusque simul, quod legitur, potestatem accepisse Christum a Patre remittendi peccata suscitandi quos velit, justitiam, sanctitatem, salutem largendi, praefectum esse iudicem vivis et mortuis, *ut honoretur quemadmodum et Pater. Instit. lib. 2. cap. 14.*

BEZA.

Hac distinctione utimur, ut in adoratione, Hominem quidem cum verbo coniungamus, sed quatenus sic Homo est, ut sit Deus, Humanitatem vero, non quatenus Humanitas, sed quatenus est veri Dei Humanitas adoremus. *Opusc. part. 2. pag. 106.*

Adoratur Christus ab omnibus, tum ut Deus, tum ratione humanitatis, non tamen absolute, sed quatenus haec humanitas subsistit in persona Filii Dei. in *Joh. 4. 22.*

URSINUS.

Nos omnibus orthodoxis defendendum suscipimus, per et propter unionem personalem, et in ipsa, totum Christo uno cultu adorari. Non solum Christi Deitatem, sed et eius Humanitatem colit, adorat, invocat tota Ecclesia Christiana. *Def. admon. Neust. c. 1.*

ZANCHIUS.

Caro Christi, quatenus est unita, et pars personae, adoratur. Summa: personaliter, idem et unus debetur assumpto, qui et assumenti, honos. *De incarn. lib. 2.* Toti Christo, secundum utramque naturam, datum est hoc nomen, ut adoretur, quoad divinam essentialiter; quoad humanam, personaliter, per gratiam unionis.

JUNIUS.

Personae toti Mediatoris et Redemptoris nostri, datum est nomen ut adoretur, secundum utramque naturam, tum divinam, tum humanam. *Defens. 3. tom. 2. pag. 179.*

PERKINSIUS.

Ex unione est, quod Christus, quatenus homo, exaltatur supra omne nomen, adoratur. *Armilla, cap. 16.*

Humanitatem ipsam Christi, adoratione religiosa, Filio Dei delita, ab hominibus et angelis adorandum esse fatemur: eo quod Verbi humanitas